

# 三台縣志

卷一 輿地志一

|    |    |    |
|----|----|----|
| 馬路 | 城池 | 輿圖 |
| 建築 | 公署 | 沿革 |
| 區鎮 | 坊表 | 疆域 |
|    | 交通 | 形勢 |

昆明 258

76866

地 258.11  
72

新 3.12.12



中華民國廿年孟春月

# 三台縣志

平谷鄭蘭題

潼川新民印

刷公司代印

### 三台縣志序

自古蜀北州郡繫全局重輕三台其衝要也余駐此有年整軍餘暇閒嘗訪名山之蹟誦杜老之詩其詠東山曰東山高頂羅珍羞下顧城郭消我憂其詠牛頭山曰青山意不盡袞袞上牛頭迄今江流巖泉之勝雖無改於昔而建設經營之事尙待人以興悠悠我思輒有所感夫一社會一民族一國家之演進推移由故而新由微而盛固因時代之自然趨勢亦賴人材之努力成功其間起伏變遷之跡足以垂示於後者實具有偉大之涵積以備觀鑒之資繼繼承承奮發罔輟如此則前人不斷之精神卽今人不忘之印象如此則今人振興之事業又爲後人拓展之基源是以歷史有意義而後人生增價值志乘有義意而後民俗益昌榮史志之作將以裨羣昭遠非徒精於體例美於文辭僅成一家之言也三台續修縣志

### 三台縣志

序

三台新民印刷公司代印

甫就謝知事天民言於余且以序爲請余慨頻歲以來有所興革而尙多不逮有所策進而尙多未周幸獲邦人君子之力助其成而漸以達惟是具體而微者望謀以宏之因時待舉者望謀以創之昔者五十里之滕孟子告以爲新爲善與教養之方遠人慕化願爲其氓三台幅境百里而強靈傑所鍾質文兼備人地皆足以有爲苟得羣策羣力治理一新庶幾此志之成不爲虛作方來之績將期永茂此則區區之願諒亦邦人士所同情也

中華民國十八年十一月簡陽田頌堯識



### 三台縣志序

三台爲隋唐以來重鎮帶涪江而介成渝固昔賢遊詠之地而亦川西北綰轂之區文獻足稽盛榮猶昔夫進化歷史固靡有窮期其繼續光大之責則後起尤重於前賢志乘之義非徒以紀往尤資以勵後史中之方志及經中之國風皆爲垂教於久遠不僅備覽於一時三台之志志其盛也志其盛者將以蘄祝後之永盛也九區之幅員較諸國土廿八鄉之戶籍較諸國民誠可謂微乎杳矣惟是世局之遷革政象之演變每萌芽於偏隅而拓展於國家影響於時代今之所謂潮流昔之所謂風氣皆因微而致顯迎新而替故此蓋證之於已往者數千載卜之於未來者億萬世而未能改其迹且不可易其例然則三台之志匪獨志其盛並以志其新志其已往之新者將以蘄祝未來之益新也頌公軍長屯戍於川西北者有

### 三台縣志

序

一

三台新民印刷公司代印

年善審沉潛制動之幾民以少休復悉精勸策進之道俗以漸化其於事業之經營建設之籌計咸以三台肇其端而樹其範以爲列縣之繩楷特生先後佐掌軍府屯務政務及政治訓練之事近復承乏川北運副簿書餘暇輒與邦人僚友講論諮諏期有以副頌公求治之意而鑿者碩治望之心舉凡習俗之沿革政教之隆替人文之升降物質之盈虛必求其知而探其詳庶幾一措一舉始得所取一治一亂始得所判一張一弛始得所指一質一文始得所徵一興一敗始得所戒一因一革始得所則適三台知事謝天民君與縣士紳纂縣志成持示其書正特生之所願觀索爲之叙又特生之所欲言爰乃欣然起舞誠不知樂之何從也中山政論今以縣志爲初基百里雷封古視縣官爲重選謀盛其國者必盛其縣謀新其國者必新其縣考縣之歷史而決改進之方策則有所本原而推行盡

利考縣之成事而定設施之計略則有所根據而安固不搖斯二者政之  
要治之本而亦志之效也翹企於三台之新治者孰不樂觀於縣志之完  
成其爲快慰又寧獨特生一人之私耶

中華民國十八年十一月簡陽蔣特生序於川北鹽運副使公署

三台縣志

序

三

三台新民印刷公司代印

### 三台縣志序

方志昉於史史志又昉於班孟堅之易八書爲十志務宗慎覈者也方志之爲書要於山川人物典章風俗文藝草木靡弗詳覈蔣以覘古今升降之跡蓋自古有治人無治法故一因革也其兆見於數十年以前而利病迥判於數十百年以後一舉廢也其端發於數百里以內而推暨遂極於數千里之遠或行於古而必不可行於今或宜於此而不必盡宜於彼時異勢殊物境變遷所謂代謝遞嬗遂成世運之轉移乎傳曰言之無文行而不遠嘗博考志乘之書矣元豐九域於鄉鎮之名土貢之賦綦詳方輿勝覽於古蹟文字之外關塞險要獨略識者以判優劣焉論者謂方志之失古法自是書始餘如范成大吳郡志朱長文圖經續志高似孫剡錄常棠澱水志周應合景定建康志體裁詳雅皆宋志善本又若元之馮復京

### 三台縣志

序

四

三台新民印刷公司代印

大德昌國州圖志袁桷延祐四明志于欽齊乘明之王鏊姑蘇志姚虞嶺海輿圖董斯張吳興備志康海武功志韓邦靖朝邑志雖不無遺議要之大體俱在各有獨到耆賢終有典型三台爲潼川府治首邑繼改稱縣政府綜兵農禮樂財賦教育而益以建設地當川北要道在唐爲東川節度使駐地屹然稱重鎮山川清淑人物翔茂風俗敦龐樸質民勤於事繭絲冠全蜀利溥天下及於海外焉余蒞治以來值訓政伊始多所興作徵納至重愧不能與民休息縣志告成邦人士持示請序絳灌無文曷足語此惟職責所寄適當因革遞嬗爰於案牘暇詳閱參訂考證舊籍雖不能博洽精詳合於史志才識學三者之備而愚意務以慎覈爲宗以蘄合於史法期裨適用又非徒徵一邑之文獻焉然則是書實亦從政之嚆矢也夫  
中華民國十九年歲次庚午長至節三台縣縣長什邡甘梯雲敬序

### 三台縣志序 (二)

通中國二十一行省省各有志而湖北省志爲第一通四川百五十餘縣縣各有志而富順縣志爲最佳前清張文襄公之言如此予則謂周官小史掌邦國之志外史掌四方之志卽今郡邑之志是也而邑志卽省志所託始夫縣與縣接而爲省省與省接而爲國故一代必有典章文物之設施地方亦各有政教風俗之表著不有記載則無以信今而傳後無所觀感則亦不能興善以戒愆然則有親民之責者觀斯志之底成信文獻之有徵其能無慨然於心而奮然以循良自勵哉予以民國十九年三月接三台縣篆縣以山得名在漢爲梓潼郡治之郾縣在唐爲東川節度之梓州董璋顧彥暉之所治理少陵李義山之所遊詠賢豪所至山川生色民國成立去府存縣田公適建節於此爲二十六縣之領袖儼然一大都會

### 三台縣志序

五

三台新民印刷公司代印

也邦人士經兵燹懼遺忘哀集成志就正於予予不忍拂邦人意暇時參閱考核大體就緒已於民國庚午序述全志之崖略然而猶更有說焉夫天下之有志皆權輿於班固漢書地理志其卽夏之禹貢周之職方乎乃漢之地里自郡國以下止載戶口縣邑禹貢九州以下止載山川暨壤之色賦之等物產之貢職方十二州止載山川藪浸男女多寡其利其穀其粟近世天下之志則自沿革形勝賦役物產而外兼載學校人物選舉秩官禮俗藝文諸大事罔不備具故使人一覽而周知五方之地形饒瘠奢侈漓樸政體之變易局署之存毀慈善實業之廢修莫不燭照而數計卽如路政昔重橋梁今則商業交通盛衰宜資比賽經政古稱述略今則票選科學名實且有異同他如水利農田額徵已變防地團練區域亦殊金石多晚出之編記載以收羅益富土產有特殊之品供求視時世轉移凡

厥變遷條分縷析不特可備省志采擇卽將來民國一統志成亦得所依據甚矣縣志之所關大也予樂觀厥成爰再志其大略如此當今歐風東漸數典忘祖之譏撫是編時存扶衰救弊之心潛移默化隱示軌塗安見薰陶漸染不有豪傑魁儒硯士挺生其間接踵而起以增志乘之光是所望於邦人君子

中華民國二十年歲次辛未花朝日三台縣縣長什邡德龍甘梯雲再撰

### 三台縣志

#### 原敘

嘉慶原志序 二篇

古者邦國皆有史卽今省志郡縣志所由昉也其體例則白班孟堅漢書十志始今天下書同文矣志寧不然然其從同者特分野疆域風土古跡數事自古自今不易而其不能始終從同者則學校選舉職官戶口建置沿革與夫忠孝節義之積久而增是非十年一修數十年一修其不至於遠而無徵沒而不彰也幾希三台古無是邑雍正十二年陞潼川州爲府始以三台山之名名縣而附郭焉地卽郝涪古治考常璩華陽國志沈立蜀江志王寬古涪志所載不過存什一千千伯卽康熙二十六年劉柱九所纂潼川州志亦覺掛漏閱五十二年吳門鄭尊邨

### 三台縣志

#### 原敘

七

三台新民印刷公司代印

大令起而修之三台始有縣志今又歷三十年其間選舉學校職官戶口建置沿革之可供考覈與夫忠孝節義之生人感奮者更難更僕數歲壬申蜀方伯方有堂先生修四川通志徵各郡縣志三台沈硯怡明府以八詠之才擅三長之美徵文考獻遠探近諏不數月而勒成是編問序於余余喜其分門別類綱舉目張且深得古良史文直事該不虛美不隱惡之遺意可使後之覽者學日以博志日以興而備太史輶軒之採也于是乎書時嘉慶癸丑長至賜進士出身知潼川府事湘潭張世濂撰

三台古潼川州也國朝雍正十二年州升爲府卽以其地爲附郭首邑城之西有山曰三台因命名焉初無所謂志也乾隆丙午前令吳門鄭尊邨始採潼川州志輯爲三台縣志以土地人民政事爲綱以山川人

物諸條爲目立意雖新不無罣漏至於今三十年矣嘉慶壬申方伯有堂先生重修四川省志徵郡縣各呈其志以備采取恐其雜而無章也示之以條目詔之以規格詳且備焉余曰賢者志其大不賢者志其小縣之有志猶邦國之有史也此有司之責何可諉爲異人任爰於簿書之暇杜門謝客分析舊志重加編訂凡闕者補之訛者正之繁者刪之若三十年中之新事則慎選公正紳耆分司采訪取確有證據或親知而灼見者因類續入三閱月而彙輯成編其間匹夫匹婦但有一節可取足以維持世道人心者概不之泯則又上體盛朝善善從長之意也特是風塵俗吏無作史才要惟據事直書不假修飾以期傳信於將來用供上官之采擇耳脫稿後適以計入都癸酉春旋任邑之人士請付梨棗因綴數言於簡首云嘉慶二十年歲次乙亥十二月望秀水沈昭

### 三台縣志

乾隆 原志序 二篇

乙巳之冬予輯郡志既成適有錦江之役呈質各憲咸蒙許可乃謂首邑鄭明府曰梓州八屬他縣之志舊編闕略固應亟修惟三台一縣自雍正十二年添設以來又五十餘年無志可考獨不念夫今之志卽古郡國史也援古者資史記論物者本漢書古之人汲于載記而不遺餘力者蓋事弗著而無稽世有傳而可據若一邑之山川景物政事人文爲采風者所必錄矧三邑係鄴涪古治地卽梓州毓秀鍾靈英賢炳蔚科第如蘇乾菴湯一川後先輝映流寓如杜少陵李青蓮芳躅同臨忠義如景思忠王干城禦賊捐軀節烈如文季姜楊賽姑冰霜矢志山川有雲台琴泉之奇秀古蹟有草堂山寺之清幽凡郡志所未詳宜廣搜

### 三台縣志

原志序

九

三台新民印刷公司代印

而備載是三邑之志實與郡志相輔以行視他志更不容緩也鄭君唯稱善復遴擇紳耆諮諏採訪予於披裘呵凍斗室圍爐之時與二三僚友精覈考衷分纂定稿甫兩月而彙輯成編愧余非良史才豈能如陳壽耆舊傳李膺益州記常璩華陽國志之各成一家言自謂提綱挈領徵獻考文但求備一邑之信史足矣予故樂得而爲之序乾隆丙午首春月之下澣梓州太守長洲張松孫勵堂氏撰

國必有史凡一朝幅幘之廣狹典禮之輝煌人才之炳蔚戶口之殷繁與夫一時之土俗民情以逮忠臣孝子義夫節婦莫不職在太史氏以成大一統之規顧國史采之省志省志采之郡志郡志采之邑志國不可以無史而謂邑可以無志乎哉我國朝列聖相承重熙累洽車書大同累奉綸音敕取省志上之史館以備披覽而潼屬僅列直隸州後自

雍正十二年陞州爲府添設三台首邑踰半百年志乘缺如無以應輶軒之采此亦從來當事者之因循也璇於癸卯春承乏三邑有志於斯得前州尊劉柱九氏康熙二十六年所纂潼川州志六冊讀之無論兵燹之餘搜羅掛漏迄今又承平百載其間田野日以闢禮制日以詳官司日以更科第日以盛丁口日以增風土習俗日以華忠孝節義日以夥非廣搜博訪無以成書竊躊躇焉會郡伯張公于是秋奉天子命來守潼川淵源家學具燕許手筆至卽以郡邑志爲己任兩年來興廢舉墜不遺餘力敷政之暇網羅舊典蒐輯遺文提綱分目不數月而府志成又兩閱月而三台縣志成既自爲之敘以紀緣起復俾璇綴數語于後斯役也璇志焉未逮茲得附名簡末誠厚幸矣將見近之可供省志之蒐羅遠之可備一統志之采擇其所以黼黻盛明之治者豈淺鮮哉

三台縣志

原志序

十

三台新民印刷公司代印

乾隆五十一年歲次丙午建寅月知三台縣事吳門鄭璇謹序

新修三台縣志官紳題名

鑒定

國民革命軍第二十九軍軍長田頌堯

國民革命軍第二十九軍軍司令部政務廳長蔣特生

局長

前三台縣知事林志茂

前三台縣知事謝勳

前任三台知事陶夢雲

現任三台縣政府縣長甘梯雲

總纂

三台縣知事謝勳

三台縣志

官紳題名

十一

三台新民印刷公司代印

三台縣知事陶夢雲

三台縣縣長甘梯雲

協纂

張樹勳

趙毓瑛

諶煥章

均邑人

分纂

蕭先炆

李承祖

張樹勳

趙毓瑛

陸海

諶煥章

鄧亭午

諶貴瓊

江郁膏

張成德

諶殷琨

均邑人

採訪

蕭維藩

呂人杰

戴仁軒

廖良

王伯佑

王宣

王子端

張放欽

|     |      |     |     |
|-----|------|-----|-----|
| 廖子清 | 陳彥昭  | 李燮  | 羅濟川 |
| 景君山 | 銀饒峯  | 左海瀾 | 孫二善 |
| 羅增  | 宋霽初  | 李達泗 | 吳道從 |
| 左翼如 | 李春海  | 羅守衡 | 章選清 |
| 林建勳 | 陳宗棣  | 袁守燮 | 賴澤潤 |
| 羅復周 | 賴廷寶  | 羅贊臣 | 許紹謙 |
| 王立先 | 羅濬文  | 何采三 | 張海清 |
| 趙仲和 | 陳嗣延  | 吳胥卿 | 吳紹猷 |
| 韓天成 | 羊文軒  | 楊聯芬 | 楊伯麟 |
| 何光斗 | 林介勳  | 陳雨三 | 歐陽昭 |
| 廖秉炎 | 歐陽春如 | 王秉南 | 趙丹森 |

三台縣志

官紳題名

|     |     |     |     |
|-----|-----|-----|-----|
| 李天彝 | 謝理菴 | 馬文軒 | 李輔中 |
| 吳培根 | 王少輿 | 戴廣懷 | 劉香山 |
| 張洪楷 | 陳膺五 | 葉蔭棠 | 王鳳儀 |
| 劉玉章 | 譙治臣 | 周丕猷 | 李龍如 |
| 李暉吉 | 馮大鈞 | 劉釗培 | 白秀夫 |
| 戴贊廷 | 李綏之 | 譙伯龍 | 龔翰臣 |
| 周大章 | 韓雲章 | 王梓材 | 劉聖泉 |
| 趙堯羹 | 趙繼孟 | 張明三 | 龐仲瑤 |
| 古仲伊 | 向正仁 | 趙用中 | 楊理卿 |
| 王選卿 | 謝徵蘭 | 鍾山甫 | 武繩祖 |
| 袁守烈 | 譚祖誼 | 王德春 |     |

查卷

卿敬儒

校勘

袁守燮

校字

黃鴻銓

測圖

霍新吾

文牘

鍾嘉璧

庶務

三台縣志

官紳題名

十三

三台新民印刷公司代印

呂弗堂

趙堯夔

### 新修三台縣志

#### 例言

一方志家體例多本漢書大同小異茲編仿省通志例并參酌府志例都爲十門臚分綱目并每事標題綴以說明俾有條不紊閱者一覽瞭然

一各門事蹟舊縣志及新府志搜羅宏富似不應重載然新志存而舊志往往遺失如府志及縣志已纂修數次今皆鮮有存者若不編入恐反失前人之苦心今復考證諸書及近時採訪有可增入者補其闕略其登錄舊志原文則一一註明以前人苦心所在不敢沒也

一涪城本涪縣屬地後分爲二涪卽今之緜陽涪城卽三台所屬之涪城壩古蹟猶有存者考漢建安十七年劉主遣黃忠等越梓潼進據

### 三台縣志

#### 例言

十四

三台新民印刷公司代印

涪城十八年劉璋遣劉瓚等拒劉主於涪涪與涪城一時并見於史册考華陽國志涪屬梓潼郡至晉易名綿州晉寧康元年秦楊安攻梓潼太守周虓守涪城益州刺史周仲孫勒兵至綿州是涪已易名而涪城猶存南宋劉甲謂唐以前稱涪者卽今之綿州而涪城仍係三台舊地不可混也是編凡唐以前涪縣事蹟概不列載惟稱涪城事蹟應與郫縣同列蓋今之三台是割古之郫與涪城兩縣地而成此疆域也

一廣漢郡高帝六年置屬縣入本治緇鄉安帝永和中陰平漢中羌反元和二年移涪後治雒城見華陽國志至晉時廣漢郡治移於今之遂寧并置廣漢縣見通鑑注凡傳志稱廣漢人有係廣漢縣人者以縣與郡同名故不復稱郡也郫屬廣漢故傳志多稱廣漢郫人然考華陽國

志李業梓潼人也董扶綿竹人也皆稱廣漢人如此類者甚多亦有始稱邾人後復稱廣漢人者如王堂王商王化等皆前後互異今證之他史必實係邾人始能列入

一梓潼郡本廣漢屬地建安二十二年分廣漢置梓潼郡并置梓潼縣邾縣仍屬廣漢劉甲謂唐以前稱梓潼者卽今之隆慶其事蹟與三台毫無關係惟唐天寶元年改梓州爲梓潼郡乾元元年復爲梓州其間稱梓潼者不過十六七年宋初亦稱梓州梓潼郡劍南東川節度使至乾德四年改靜容軍其間稱梓州梓潼郡者不過數年是唐以前稱梓潼者卽今之梓潼縣唐宋時稱梓潼郡者爲時無幾今徵之唐史宋史必實稱梓潼郡之事蹟始能列入其餘概不闌入

一欲謀政治建設於區鎮山川隄堰津梁固宜考察明確至關隘砦堡

### 三台縣志

#### 例言

十五

三台新民印刷公司代印

爲閭邑險要亦未可視爲緩圖茲皆詳爲編定不敢貽罣漏之譏

一寺觀古蹟爲名勝所關方志家所不廢也至荒邱廢冢人亡名存亦關掌故茲悉附輿地志

一方志家多立建置專門而以城池公署祠廟之屬歸之茲依府志例悉併於輿地門以省紛繁

一星野之說考諸歷代史籍精其術者不無徵驗一邑之地甚小上應天文固難確指然列國宋衛陳鄭之小與一邑無殊所言災異絲毫不爽今仍仿富順縣志例附分野于疆域後以備參考

一人物一門舊縣志及府志所載概登錄之新採訪者必查其懿行足式年例相符始行編入

一割股刲肝事近毀傷然愚夫愚婦一念之誠善善從長亦可節取至